

Bravo aan dié drie Suid-Afrikaners!

Elretha Britz

Daar is 1 001 redes waarom Beethoven 'n tydlose meesterkomponis is. Sy Trio in B-mol majeur op. 11 is een daarvan. Dit is allermens sy grootste werk, maar ná Alexander Zemlinsky se Trio vir Klavier, Klarinet en Tjello in D mineur, besef 'n mens opnuut hoe uitsonderlik begaaf Beethoven was.

Dit verg egter begaafde musici om so 'n meesterstuk meesterlik uit te voer en dit is presies waarmee die Odeion-gehoor Donderdagaand bederf is.

Ben Schoeman (klavier), Danré Strydom (klarinet) en Anmari van der Westhuizen (tjello) het met onberispelike tegniek, navolgenswaardige ensamblespel en weloorwoë musikale integriteit in al vier werke op hul program hul status as die room van die land se musici bevestig.

Die eerste, Zemlinsky, wat 'n spektrum van wisselende emosies bevat, hoewel dit as komposisie nie regtig uit die wegspringblokke kom nie.

Toe volg Beethoven, een van die eerste komponiste wat 'n trio vir dié drietal instrumente geskryf het met die gewilde laaste deel (Allegretto) wat van 1798 luidkeels in die stadstegies gesing is. Dié Gassenhauer-melodie is die ene aansteeklike vrolikheid en is sodanig deur die trio weergegee.

Die joligheid is voorafgegaan deur 'n onthoubare hoogtepunt, die tweede beweging (Adagio) wat onomwonde met eerlike deernis vertolk is. Om dít te vermag moet die musici diep uit hul ervaring, gevoelspektrum en 'n grondige kennis van die bepaalde werk delf. Dít het al drie ewe sinvol gedoen en as 'n hegte eenheid vertolk.

Ná pouse is twee tango's van Hendrik Hofmeyr getitel "It Takes Two" uitgevoer, eers 'n tipiese jolige tango, daarna een met 'n swaarmoedige stemming. 'n Mens vra jouself waarom die kort werke nie bekend is nie. Dalk omdat dit toegewyde musici soos hierdie verg om so iets op te diep?

Brahms se Trio in A mineur op. 114 word gekenmerk deur 'n deursigtiger tekstuur vir die klavier as waarvoor die komponis bekend is, wat gevolglik die kla-



Danré Strydom

Foto: ARGIEF



Anmari van der Westhuizen



Ben Schoeman

werk het die drie musici hul onderskeie gehaltespel laat saamsmelt om die musiek die beste moontlike behandeling te gee wat ook 'n meester soos Brahms toekom.

Groot gewag word deesdae gemaak van die uitermate hoë standaard van klassiekemusiekuitvoerings in Europa. Ek wil my verstout om te sê opregte uitlewing soos deur dié trio sal sekerlik ook dié oorsese gehore bevredig. Bravo aan die drie Suid-Afrikaners.

rinet- en tjelloklank kans gee om duidelik te klink.

Die stemming van al drie dele

is 'n terughoudende rustigheid, behalwe kort energieke passasies in die laaste deel. Ook in dié